



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pretiosae Occupaciones Morientivm In Societate Iesv

Nádasi, János

Romae, 1657

Cap. XXI. Alios orantes audiat æger.

urn:nbn:de:hbz:466:1-45415

tionibus colligantur æternitatis lucra? Momentum vnde pendet æternitas!

C A P V T X X I.

Occupatio est pretiosa, ut si ager orare ipse ore non possit, orantes alios audiat.

Annuæ
Lugdun.
Coll. Tu-
ron. 1590.
& 91.

Preces ho-
rariæ co-
ram ægro
legi pos-
sunt.

17. Martii
1632.
Possent
ægro legi
orationes
Dominica-
rum ex
Diurno: &
6. Decemb.
de S. Ni-
colao, alio-
rumque
sektorum.

IACOBO Nouitio in paterna Domo ægro, vltima inter menstruas è tirocinio missas schedas hanc sententiam continebat: *Siue viuimus, siue morimur, Domini sumus.* Iacebat interea ille, se Domini esse lætus; cùm ecce suprema nox. in qua visam in cubiculo morientis latificam inusitati splendoris lucem narrauere duæ mulieres ægrum procurantes. Pro vltimo peregrinabundæ in æternitatem animæ propemptico, orat legi sibi clarâ voce, vt audiat, horarias preces: quod dum religiosè exequitur eius Parens (ad quem æger missus fuerat, ad natiui aëris benignitatem) recitatq; illa verba: *Beati omnes, qui confidunt in eo;* eadem constanti animo ac linguâ repetentem Iacobum mortalis vita destituit: è qua nobis morientibus acclamat: *Beati omnes, qui confidunt in eo.*

2 P. Didacus Ruiz Hispali abiit vitâ. Quò magis enormis calculi vis hominem torquebat, eò ille gratiarum actiones exaggerabat magis: infomnes noctes Psalmis pronuncian-
dis

dis impendens. Curabat sibi subinde voce altà repeti quasdam orationes Ecclesiæ, illi tempori aptas, quibus excitari se ad pietatem non mediocriter sentiebat. Item animæ commendationem. Ad venæ deficientis nuncium cum gaudio exclamavit: *O eternitatis dies, ecquando te conspiciabor!*

3 Hæc omnia etiam tunc agenda, cum æger sibi meliùs esse existimat. Sic enim, vltima emorientis in cereo consumpto luminis lux luculentior esse consuevit; soletq; sæpè mortem iam proximam leuamenti quiddam præcedere. Arripiat tunc benedictum die Purificationis Beatissimæ Virginis cereum, eoq; in manu ardente sibi adhuc præsens petat coram se legi destinatas illi tempori formulas eliciendorum actuum fidei, spei, charitatis: commendationem animæ audiat: id agat quòd in supremo articulo.

4 P. Thomas Tzugi Iapon, lento igne Nangasachi in Christiani nominis odium internectus cum expiraret, visum illi est pectus aperiri, & magna quædam flamma ex imo pectore erumpens conspecta est volare in cælum. Aperiamus totum pectus, cor totum in morte: & flammam tam intus conceptam, quàm ab ijs, qui circa nos sunt acceptam alto pectore hauriamus, & euibremus in cælum quantà possumus cordis vicinum nobis Deum amantis flagrantia. Sunt qui com-

Flamma erumpens è pectore morientis.

Iaculato-
ria.

completorium, vel psalmos aliquos, aut
versus ad id selectos, vel alia id genus legi
optent. quam in rem suppeditabo quædam
capite ultimo.

C A P V T X X I I.

*Pater spiritualis, & fideles ad mortem usq; amici,
sunt pretiosa ægri occupatio, & adiumen-
tum. id quod etiam in Ioannis
Berchmanni morte elucet.*

IN Suprema illa necessitate maximè
probatur charitatis vera germanitas.
Cum enim tunc nobis, & memoria deficiat
eorum quæ legimus, alijsq; aliquando sug-
gessimus, aut scripsimus; & intellectus acies
in affecto corpore obtundatur, adeòq; ipsa
etiam voluntas reddatur segnior; succedant
verò ingrata quædam tædia, dolores, fessus, &
ad nihil seriò attentus animus; contra valen-
tissimos tunc & ferocissimos dæmonis, hostis
eà in acie diurni, expertissimi, & sæpè vi-
ctoris, insultus; contra illas mentis nostræ
tenebras, & fastidia, necesse est, vt spiritua-
lis Pater, vel alius amicus ad id valdè ido-
neus, abundè suppleat, & ea suggerat, quæ
temporis illius adeò periculosi, vel pretiosi
articulo primùm necessaria, deinde vtilia &
idonea sunt; vt quemadmodum iuratus eterne
salu-